



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lilivm Inter Spinis

Sterre, Jean Chrysostome van der

Antverpiæ, 1627

Cap. VIII. Duodecimo ætatis anno mundum deserit, ac Steinueldiæ
candido Præmonstrati Ordinis habitu induitur.

urn:nbn:de:hbz:466:1-43032

moriam, & maximè imitationem vitæ Domini crucifixi, contra omnia vitiorum incentiua valere, vt verè
 Psal. 137. posset dicere cum Psalmista: Si ambulauero in medio tribulationis, uiuificabis me Domine; & super inimicos meos extends manum tuam, & saluabit me dextera tua.

CAPVT VIII.

*Duodecimo ætatis anno mundum deserit,
 ac Steinfeldiæ candido Præmonstrati
 Ordinis habitu induitur.*

IN tantis reuelationum cōsolationibus infantiâ teneriore decursâ, (quæ ex plurima multitudine ad nostram notitiam peruenerunt paucissimæ) statim vt potuit persentire, quid esset; benedictionem dulcedinis (qua præuentus erat à Domino) indicijs euidentibus puer Domini declarare studebat. Et cum iam circiter duodecimum ætatis annum ageret; relicta latâ
 & spa-

& spatiosâ viâ sinistri lateris (quæ multitudinem hominum per eam gradientem deducit ad mortem) arctam & angustam viam dexteræ, per quam graditur paucitas saluandorum, fortiter concupiuit. Iam enim totum mundum pessimarum cupiditatum incendio conflagrare conspexit, & solos illos à mortiferis æstibus posse saluari, qui sub salutare alas confugerent Crucifixi: sicut sibi per saluatam, protegente Crucifixo, Basilicam corporaliter fuerat demonstratum. Sapienter ergo breuiterque decreuit, mundus adhuc Mundum immundum relinquere, & inconfusus recedere de medio Babylonis. Apposuit igitur gratiam concomitantem Dominus, qui gratis dederat gratiam præuenientem, & gratiam perficientem daturus erat: & per quosdam notos suos, illum itinere prospero in Ecclesiam Steinfeldt, Colonienfis Diocesis, Ordinis Præmonstratensis, perduxit.

B 5

duxit.

*Adhuc
puer cōferte
se ad Cœ-
nobium
Steinfeldt
diēse Ordinis
Præmon-
stratensis.*

Pfalm. 67. duxit. Benedictus Dominus Deus salutarium nostrorum die quotidie: qui tanto puero prosperum fecit iter, vt ad domum nostram in nomine Domini perueniret. Cumque ibidem aliquo tempore moraretur, antequam habitu monastico vestiretur, contigit Dedicacionem Capellæ S. Michaëlis Archangeli aduenire. Habet autem idem Archangelus Capellam in Ecclesia Steinfeldiensi, in eminenti loco, super testudinem, in parte Occidentis sitam: cuius Occidentalis murus, tunc temporis pro quadam necessitate fuerat in modum ianuæ patefactus. Stante itaque puero Angelico in prospectu Capellæ B. Archangeli, vidit per prædictam ianuam muri Occidentalis, quamdam flammam tantæ quantitatis erumpere, cum tanto impetu & violentia, vt totum Monasterium intrinsecus timeret incendio iam consumi. Iamiamque clamaturus erat, & opem ferri ardenti Monasterio petiturus;

Visio eius.

turus; sed repressus puerili pudore & humilitatis verecundiâ (qua vsque ad finem vitæ, etiam super ipsum sexum femineum moderabatur in omnibus) vel potius ipsum gratia interiore docente, silentio se continere decreuit, donec rei exitum comprobaret; quoniam omnes circumstantes vel non videre, vel dissimulare, nimium mirabatur. Ipse autem ignis, mirabiliter visi, alium non vidit effectum, nisi quòd ad suscipiendum Religionis habitum nouo & tam valido succendebatur affectu, vt se à susceptione illius, præ dulcedine flammæ & flammâ dulcedinis (quam intus acceperat medullitus) grauissimè contineret. Iam enim & ipse totus in quemdam ignem Diuinum conuersus erat, vt illi in habitu Angelico ministraret, qui facit Angelos suos spiritus, & ministros suos ignem vrentem: quorum ministerio, in sua festiuitate in ignis visione apparentium, Angelum nostrum credo

Viso hoc igne mirabiliter ad suscipiendū quātoq̄us candidum habitum succēditur.

psal. 103.

do tam validè fuisse succensum; vt agnosceret illum ignem spiritualem fuisse, qui non corpora sed spiritum succendisset.

CAPVT IX.

In Frisiam ad vltiora studia mittitur.

SVSCEPTO tandem, secundùm desiderium suum, niueo sacrae Religionis amictu, cœpit puer religiosus, tam apud Deum quàm apud homines proficere scientiâ & ætate: sed quia nondum annos discretionis attigerat, (ante quos in Monasterio illo pueri ad Religionis habitum recipi non solebant) missus est in Frisiam cum alijs coæuulis suis, & vt ætatis scandalum tolleretur, & vt in scholis proficeret in doctrina. Profecit itaque super omnes coætaneos suos, tam in scientia, quàm in moribus: ita vt se doctorem minoribus, & Angelum socijs exhiberet. Nihil vitiorum in illo, quo